



14. september2007

Inatsisartut Forretningsorden-ianni § 36 imm. 1 tunngavigalugulu Naalakkersuisunut apeqquteqaatinik makkunanga saqqummiussaqaarniarpunga:

Ittoqqortoormiit Kommuneani piniarnermik nakkutilliisumik atorfinitsitsinissamut tunngatillugu Naalakkersuisunut apeqquteqaat.

(Inatsisartunut ilaasortaq Astrid Fleischer, Demokraatit)

Tunngavigisaq:

29. juni 2005 Ittoqqortoormiit Kommuneata Aalisarnermut Piniarnermullu Pisortaqaarfimmut allakkanik nassiussaqaarpoq. Allakkami tassani ilaatigut imaattunik allaqqasoqarpoq:

„Kommunalbestyrelsemit siunnersuutigineqarpoq Ittoqqortoormiini 1. august 2005 aallarnerfigalugu piniarnermik nakkutilliisumik ukioq kaajallallugu sulisartussamik aammalu sapaatip akunneranut nal. ak 40-ni sulisartussamik atorfinitsitsisoqassasoq. Kommunalbestyrelsip taamatut siunnersuuteqarnerminut tunngavigisai makkuupput:

Ittoqqortoormiit Kommuneani umimmaat nunarsuarmi imimmaqatigiinnut annertunerpaanut ilaatinneqarput. Umimmaat kisinneqaqqittariaqarput, taavalu ukioq kaajallallugu nakkutigineqartariaqarlutik.

Maani uumasut allat aammattaaq kisinneqartariaqarput, aammalu ukioq kaajallallugu nakkutigineqartariaqarlutik.

Silaannaap pissusaata uumasunut naasunullu qanoq sunniuteqarnera nalunaarsortariaqarpoq kiisalu nakkutigineqartariaqarluni.

Kommunalbestyrelsip saaffiginnissutip matuma sukkasuumik suliarineqarnissaa akissuteqarfigin eqarnissaalu naatsorsuutigaa.“

- Ittoqqortoormiit Kommuneata saaffiginnissutaannut Naalakkersuisut akissuteqaataata assilinerarneranik pissarsisinneqarnissaq matumuuna qinnutigaara. Naalakkersuisut Ittoqqortoormiit Kommuneata saaffiginnissutaa akissuteqarfiginanngipassuk akissuteqannginnermut suna tunngavigineqarnersoq paaserusuppara.

Ulloq 16. marts 2006 Ittoqqortoormiit Kommuneata Aalisarnermut Piniarnermullu Pisortaqaarfimmut allakkiamik nassiussaqaarpoq. Allakkiami tassani ilaatigut ima allaqqasoqarpoq:

“Kiisalu Kommunalbestyrelsip qinnutigissavaa Ittoqqortoormiit Kommuneani ukioq kaajallallugu sulisumik piniarnermik nakkutilliisumik atorfinitsitsinermut atatillugu aningaasartuutissanut matussutissanik aningaasaliissutissanik akuersissuteqartoqassasoq.”

- Naalakkersuisut Ittoqqortoormiit Kommuneata saaffiginnissutaannut Naalakkersuisut akissuteqaataata assilineranik tunineqarnissara qinnutigaara. Naalakkersuisut Ittoqqortoormiit Kommuneata saaffiginnissutaa akissuteqarfiginanngipassuk akissuteqannginnermut suna tunngavigineqarnersoq paaserusuppara.



Ulloq 8. august 2007 Ittoqqortoormiit Kommunea Aalisarnermut Piniarnermullu Pisorta qarfimumut allakkiamik telefax-ikkut nassiussa qarpoq. Allakkiami tassani ilaatigut ima allaqqaso qarpoq:

“Ittoqqortoormiit Kommuneani piniarnermik nakkutilliisumut aningaasartuutininik ilaannakortumik matussutissiineq.

Ulloq manna allaffimmi pisortamik Ole Heinrich oqarasuaatikkut oqaloqateqarsimanera inner-suutigalugu, tassa piffissami 10. august-imiit 10 septeber-imut 2007 piniarnermut nakkutilliisumik taassumalu ikiortaanik atorfinitsitsisimanermit atatillugu aningaasartuutininik matussusiinisamat matumuuna qinnuteqaammik nassiussivugut.”

- Ittoqqortoormiit Kommuneata saaffiginnissutaannut Naalakkersuisut akissuteqaataata assilinerqarneranik pissasisinneqarnissaaq matumuuna qinnutigaara. Naalakkersuisut Ittoqqortoormiit Kommuneata saaffiginnissutaa akissuteqarfigisimanngipassuk akissuteqannginnermut suna tunngavigineqarnermaq paaserusuppara.
- Naggataatigut Naalakkersuisut qinnuvigerusuppakka Ittoqqortoormiit Kommuneani ukioq kaajallallugut piniarnermut nakkutilliisumik atorfeqartitsinissaaq pisariaqartinneqarnermaq pil-lugu isummeqqullugit? Akissuteqaatit tunngavilersorneqassapput.

Apeqquteqaatit tiguineriniit ullut suliffiusut qulit qaanngiutsinnagit akissuteqarfigineqarnissaaq kissaatigineqarpoq.